



## Þingskjal nr. 15

Flytjandi Keppnisnefnd LH

Lagt fyrir \_\_\_\_\_

### Tillaga

63. Landsþing Landssambands hestamannafélaga, haldið í Reykjavík 4.-5. nóvember 2022, samþykkir að fella brott reglugerð um Íslandsmót í hestaíþróttum og í stað hennar komi ný reglugerð um Íslandsmót í hestaíþróttum sem orðast svo:

### 5. Reglugerð um Íslandsmót

#### 5.1 Ákvörðun um Íslandsmótsstað og dagsetningu

Á Landsmótsári:

- Íslandsmót í hestaíþróttum fullorðinna er haldið samhliða Landsmóti.
- Íslandsmót í hestaíþróttum barna, unglinga og ungmenna er haldið sér og án gæðingakeppninnar.

Þegar ekki er Landsmótsár:

- Íslandsmót í íþróttá- og gæðingakeppni fullorðinna og ungmenna saman.
- Íslandsmót í íþróttá- og gæðingakeppni barna og unglinga saman.

Umsóknir um að halda Íslandsmót skulu berast skrifstofu LH fyrir 1. október. Keppnisnefnd LH tekur umsóknir til umfjöllunar og leggur til við stjórn hvar Íslandsmót skuli haldið.

Ef engar umsóknir berast hefur stjórn heimild til að ganga til samninga við þá mótshaldara sem stjórn kys að semja við. Stjórn LH og mótshaldari skulu undirrita samning um Íslandsmót fyrir 1. desember á árinu fyrir mótið.

Íslandsmót skulu ávallt vera Worldranking.

#### 5.2 Keppnisgreinar á Íslandsmóti

Á Íslandsmóti fullorðinna skal keppt í einum styrkleikaflokki og í eftirfarandi greinum. Þegar um Landsmótsár er að ræða er ekki keppt í gæðingakeppni á Íslandsmótum heldur eru krýndir sigurvegarar í gæðingakeppni á Landsmóti.

Meistaraflokkur fullorðinna:

- Íþróttakeppni
  - V1, F1, T1, T2, PP1, P1, P3, P2. Þjóða skal upp á 4 spretti í P1 og P3
- Gæðingakeppni
  - A-flokkur og B-flokkur gæðingakeppni



**Ungmennaflokkur:**

- Íþróttakeppni
  - V1, F1, T1, T2, PP1, P1, P3, P2
- Gæðingakeppni
  - A-flokkur og B-flokkur gæðingakeppni

**Unglingaflokkur:**

- Íþróttakeppni
  - V1, T1, F2, T4, PP1, P2
- Gæðingakeppni
  - Unglingaflokkur gæðingakeppni

**Barnaflokkur:**

- Íþróttakeppni
  - T3, T4, V2 og fimi.
- Gæðingakeppni
  - Barnaflokkur gæðingakeppni.

Heimilt er að bjóða upp á fleiri greinar, kjósi mótshaldarar svo, sem og sýningagreinar. Í sýningargreinum skal ekki krýna Íslandsmeistara.

### 5.3 Þátttökuréttur á Íslandsmóti

Í meistaraflokki fullorðinna gildir eftirfarandi:

- **Á Landsmótsári**
  - Þátttökurétt öðlast 20 efstu pörin í hverri keppnisgrein utan tölt T1 þar sem þátttökurétt öðlast 30 efstu pörin. Miða skal við stöðulista annan mánudag áður en mót hefst.
  - Ekki er eru riðin B-úrslit nema í T1.
  - Í A-úrslitum skulu vera 6 efstu knapar samkvæmt reglum um íþróttakeppni.
  - Þátttökurétt hafa allir 22 ára og eldri. **Ekki eru sérstök aldurstakmörk í kappreiðaskeiði**
- **Þegar ekki er Landsmótsár:**
  - Þátttökurétt í íþróttakeppni og A- og B-flokki öðlast knapi/hestur sem náð hefur einkunnarlágmarki sem skrifstofa LH gefur út fyrir 1. febrúar ár hvert. Keppnisnefnd LH ákveður einkunnarlágmark.

Í ungmennaflokki gildir eftirfarandi:

- Þátttökurétt í íþróttakeppni og A- og B-flokki öðlast parið sem náð hefur einkunnarlágmarki sem skrifstofa LH gefur út fyrir 1. febrúar ár hvert. Keppnisnefnd LH ákveður einkunnarlágmark.

Keppnisárangur er gildur frá löglegum mótum, staðfestur í mótaskýrslu, og skal árangur knapa eða hests miðast við annan mánudag áður en keppni hefst á Íslandsmóti.



Þeir sem ætla að keppa um samanlagðan sigurvegara, hvort sem það er á landsmótsári eða ekki, þurfa að vera með skráðan árangur í þeim greinum sem gilda til samanlagðra greina og á stöðulista í a.m.k einni grein.

Keppnisárangur skal nást á sama ári og Íslandsmót er haldið.

Engin lágmrök gilda í barna- og unglingsflokki á Íslandsmóti.

## 5.4 Auglýsing Íslandsmóts

Íslandsmót í hestaíþróttum skal auglýsa fyrir 1. maí ár hvert. Það aðildarfélag sem heldur Íslandsmót hverju sinni skal sjá um skráningu og innheimtu skráningargjalda keppenda af öllu landinu.

Skráningu skal ljúka 6 dögum áður en mót hefst.

5 dögum fyrir mót skulu allar skráningar staðfestar

3 dögum áður en mót hefst skal dagskrá og ráslistar vera birtir.

## 5.5 Framkvæmdanefnd Íslandsmóts

Mótshaldari skal skipa framkvæmdanefnd sama ár og mótið er haldið. LH skipar einn mann í framkvæmdanefnd og skal sá einstaklingur vera fjölmiðlafulltrúi nefndarinnar. Framkvæmdanefndin ákveður skráningagjöld, annast auglýsingar móts, móttöku þátttökutilkynninga, ber ábyrgð á að nægjanlega margt starfsfólk sé til staðar og sér um annan undirbúning. Framkvæmdanefnd skipar eftirfarandi embættismenn mótsins:

- *Framkvæmdastjóra*. Hann skal skipaður um leið og framkvæmdanefnd og starfa með henni að undirbúningi mótsins. Hann ber ásamt framkvæmdanefnd ábyrgð á að undirbúningur og aðstaða öll sé tilbúin nægjanlega tímanlega fyrir mót, þannig að keppendur geti æft sig á mótssvæðinu a.m.k. sjö dögum fyrir upphaf móts.
- *Fjölmiðlafulltrúa*. Hann skal skipaður um leið og framkvæmdanefnd og vinni með henni. Hann ber ábyrgð á fjölmiðlatengslum og sér um að koma mótinu á framfæri við fjölmiðla, sér einnig um auglýsingaöflun og önnur mál sem tengjast því.
- *Mótsstjóra*. Hann skal skipaður minnst tveimur mánuðum fyrir upphaf móts. Hann ber ábyrgð á að mótið fari fram eftir auglýstri dagskrá og gangi snurðulaust fyrir sig. Mótsstjóri skal, í samráði við framkvæmdanefnd, bera ábyrgð á að ritarar og dómgögn séu til staðar við upphaf móts.
- *Vallarstjóra*. Hann annast verkstjórn á meðan á móti stendur og hefur umsjón með framkvæmd dagskrár í samráði við mótsstjóra.
- *Þuli*. Þeir kynna dagskráratriði og kappkosta að mótshald gangi greiðlega fyrir sig.
- *Fóta- og reiðtygjaskoðunarmenn* starfa í umboði dómara.

### Yfirdómnefnd er skipuð eftirfarandi aðilum:

- Yfirdómara eða meðlim dómara starfsliðs, áður tilnefndum af honum,
- Mótsstjóra eða fulltrúa hans, áður tilnefndum af honum,
- Meðlimi framkvæmdanefndar,
- Formanni keppnisnefndar LH eða annars fulltrúa, áður tilnefndum af honum
- Fulltrúa knapa, kosinn fyrir upphaf keppni af virkum keppendum (sjá grein 2.7.2).

## 5.6 Skipan dómara Íslandsmóts



Dómaranefnd LH skal skipa yfirdómara og með honum hæfustu dómara sem völ er á, eftir tillögum frá HÍDÍ og GDLH. **Hafa skal tvo yfirdómara, annann yfir íþróttakeppninni og hinn yfir gæðingakeppninni** í yfirdómari dæmir ekki gangteygur inni á hringvelli. Skipa skal yfirdómara og dómnefndir a.m.k. mánuði fyrir upphaf mótsins. Sama gildir um erlenda dómara.

## 5.7 Ýmis ákvæði um Íslandsmót

Þegar ekki er Landsmótsár skal halda B úrslit á Íslandsmóti fullorðinna og ungmenna hringvallagreinum, þ.e. keppni um 6. til 10. sæti. Á Íslandsmóti barna, unglunga og ungmenna skal halda B úrslit, ef skráningar eru 20 eða fleiri.

## 5.8 Listi yfir lágmarkskröfur

LH skal leggja lista fyrir mótshaldara yfir þau atriði og aðstöðu, sem gilda skal sem lágmarkskröfur til að halda megi Íslandsmót. Listi þessi skal lagður fyrir mótshaldara eigi síðar en 6 mánuðum fyrir mót.

## 5.9 Gildissvið

Reglugerð þessi gildir fyrir Íslandsmót, þar sem við á. Að öðru leiti gildir reglugerð LH um íþróttamót og keppendur annars vegar og reglugerð um gæðingakeppni hins vegar.

## Greinargerð:

Markmið tillögunnar er í meginatriðum eftirfarandi:

- Að gera Íslandsmóti hærra undir höfði á Landsmótsárum
- Að gera gæðingakeppni hærra undir höfði þegar ekki er Landsmót

Á Íslandsmóti í sumar sem fram fór hálfum mánuði eftir Landsmót voru nánast engir áhorfendur og mótið fékk almennt litla athygli. Það hefur einnig átt við um önnur Íslandsmót sem hafa verið haldin eftir Landsmót að þau eru illa sótt af áhorfendum. Þá gætir einnig vissrar þreytu hjá hestum og knöpum á Íslandsmóti sem oft hafa verið með hesta sína í keppni á Landsmóti.

Tillaga Keppnisnefndar mun fela í sér að á Landsmótsárum verði Íslandsmót fullorðinna í hestaíþróttum haldið samhliða Landsmóti. Stöðulisti mun gilda inn á mótið og einungis munu verða riðin A-úrslit í öllum greinum með 6 úrslitaknöpum nema í tölti T1, þar verða áfram riðin B-úrslit. Þannig mun Landsmót bjóða áhorfendum upp á besta hestakostinn í bæði íþrótt- og gæðingakeppni. Íslandsmót barna-, unglunga og ungmenna verður svo haldið saman fyrir lok júlí.

Þau ár sem ekki er landsmót hefur áhugi á gæðingakeppni verið takmarkaður sem lýsir sér í dræmri þátttöku á gæðingamótum. Þegar ekki er Landsmót er tillaga keppnisnefndar að á Íslandsmóti verði til viðbótar íþróttgreinum keppt í A- og B-flokki í gæðingakeppni. Með því að krýna Íslandsmeistara í A- og B-flokki á Íslandsmóti sköpum við stóran vettvang fyrir gæðingahestana og eflum um leið áhuga á gæðingakeppni. Það árið, þegar ekki er landsmót, keppa ungmenni með fullorðnum á sama mótinu. Það ár eru unglingar og börn saman og þar yrði einnig boðið upp á barna og unglungaflökk í gæðingakeppni.

Það er skoðun keppnisnefndar að þessi breyting verði báðum keppnisformum til framdráttar og sé íþróttinni til framfara.



Afgreiðsla

Keppnisnefnd þingsins mælir með samþykkt tillögunnar með áorðnum breytingum